



ЖАҢАӨЗЕН



xat.janaozen-gazeti@mail.ru

№49 /2276/ 5 ЖЕЛТОҚСАН 2025 ЖЫЛ

1990 ЖЫЛДЫҢ 1 ҚАҢТАРЫНАН ШЫҒА БАСТАДЫ

ГАЗЕТ АПТАНЫҢ ЖҰМА КҮНІ ШЫҒАДЫ

ҚАЛА ЖАҢАЛЫҚТАРЫ

ҮЗДІК ОҚУШЫ МЕН СПОРТШЫЛАРҒА АЛҒЫС БІЛДІРДІ



ЖАҢАӨЗЕН ҚАЛАСЫНЫҢ ӘКІМІ ЖАНСЕЙІТ ҚАЙНАРБАЕВ БІЛІМ МЕН СПОРТ САЛАСЫНДА ТОЛАЙЫМ ТАБЫСҚА ЖЕТКЕН ЖАС ӨРЕНДЕРМЕН АРНАЙЫ КЕЗДЕСТІ.

Қабылдауда республикалық ауыл мектептеріне арналған пәндік олимпиаданың алтын медаль иегері, №14 мектептің 9-сынып оқушысы Кәусар Оғланбек пен оның жетекшісі, химия пәнінің мұғалімі Салтанат Шинбаева болды. Қала басшысы Кәусардың табысын ерекше атап өтіп, білім жолындағы қажырлы еңбектері үшін ұстазына алғыс білдірді.

Сондай-ақ жиынға спорт саласында ел намысын қорғап жүрген жас спортшылар - ММА аралас жекпе-жек шебері Аманжол Жолтаев және Азия чемпионы Уәлихан Бисенқұлов қатысты. Олар да өз жетістіктерін бөлісіп, қаланың спорттық жетістіктерін нығайтып жүргені үшін қала әкімі тарапынан Алғыс хатпен марапатталды.

Жансейіт Қайнарбаев жас буынның ерік-жігері мен талпынысы Жаңаөзеннің

дамуына тікелей үлес қосатынын атап өтіп:

- Қала жастарының ғылым мен спортта биік белесті бағындырып жатқаны - біздің мақтанышымыз. Біз әрбір дарынды, еңбекқор жастың жолын қолдауға дайынбыз, - деді.

Өз кезегінде Кәусар да, жас спортшылар да көрсетілген құрмет пен қолдау үшін алғыстарын білдіріп, алдағы жарыстар мен ғылыми додаларда Жаңаөзеннің атын одан әрі биіктететіндерін айтты.

Айта кетейік, 2025 жыл Жаңаөзен қаласында Білім жылы деп жарияланған. Биылғы жетістіктер - қала жастарының ізденісі мен еңбегінің, сондай-ақ білім мен спортты дамытуға бағытталған мемлекеттік қолдаудың нақты нәтижесі.

Жанайым ЖАРЫЛҚАП.

САРБАЗДАРМЕН КЕЗДЕСУ

ҰЛТТЫҚ ҰЛАН САРБАЗДАРЫНА ҚАЗАҚСТАН РЕСПУБЛИКАСЫ ІШКІ САЯСАТЫНЫҢ НЕГІЗГІ ҚАҒИДАЛАРЫ МЕН БАҒЫТТАРЫ, ЖАЛПЫҰЛТТЫҚ ҚҰНДЫЛЫҚТАР ТҮСІНДІРІЛДІ.

5548 әскери бөлімінде ақпараттық-түсіндіру тобының мүшелері 2025 жылғы 5 қа-

және ҚХА Жаңаөзен қаласы әкімінің жанындағы Аналар кеңесінің мүшесі Р.Алиева қатысты. Іс-шарада елді



рашадағы №1081 Президент Жарлығымен бекітілген Қазақстан Республикасы ішкі саясатының негізгі қағидалары мен бағыттары, жалпыұлттық құндылықтарын түсіндіру мақсатында сарбаздармен кездесу өткізді. Жиынға қалалық ішкі саясат бөлімінің сектор меңгерушісі Ж.Калиева, Маңғыстау облыстық Ақсақалдар кеңесінің мүшесі А.Бисенов

тұрақты дамыту үшін мемлекеттік институттарды жұмылдыруға және нығайтуға арналған мемлекеттік саясаттың бағыттарын, елдің өзіне тән ерекшелігін тануға, жалпыұлттық бірегейлікті нығайтуға және тарихи-мәдени мұраны сақтауға ықпал ететін ұлттық нышандарға тоқталды.

Айта кетейік, ішкі саясаттың негізгі қағидалары, құндылықтары мен бағыттары жалпыұлттық сипатқа ие және оларды барлық мемлекеттік органдар өз қызметінде ескеруге міндетті. Президент Жарлығында ұсынылған тәсілдер қоғамдық-саяси, экономикалық және әлеуметтік сипаттағы маңызды мемлекеттік шешімдер қабылдау кезінде негізгі бағдар болады.

Дарина АҚБЕРЕН.

САЛТАНАТТЫ ШАРА

ТҮРКІ МӘДЕНИЕТІНІҢ ТӘЖІН ТАҚҚАН АҚТАУ



САЛТАНАТТЫ ІС-ШАРАҒА ҚАТЫСҚАН ҚР АҚПАРАТ ЖӘНЕ МӘДЕНИЕТ МИНИСТРІ АЙДА БАЛАЕВА АҚМАРЖАН АҚТАУ ШАҒАРЫ ЖАУАПКЕРШІЛІГІ ЖОҒАРЫ МІНДЕТТІ АБЫРОЙМЕН АТҚАРҒАНЫН АТАП ӨТТІ.



Голрох ЖЕМЕНЕЙ

- Ақтау қаласына бір рет табан тіреген жан бұл шаһарды өмір бойы жүрегінде сақтайды. Ақтауда жүзеге асқан ТҮРКСОЙ жобалары Мемлекет басшысы бастамаларының нақты нәтижесі айналып, бауырлас халықтарды бұрынғыдан да жақындастыра түскені тағы бір мәрте дәлелдеді. Ең бастысы - мәдени астана мәртебесі түркі әлемінің қуаты ортақ құндылықтарда, тарихи сана мен өзара құрметте екенін негіздеді. Түркі әлемінің бауырластығы - жай ғана ұғым емес, біздің ортақ жадымыз, ортақ болашағымыз. Ал сол болашағымызды жарқын

ететін - жылы сөз, ілтипат, құрмет пен сенімге негізделген адами қатынастар. Бай рухани мұрамыз жас буынды шабыттандырып, өткен мен болашақты сабақтастыратын алтын көпірге айналып келеді. Бүгін біз жылды қорытындылап қана қоймай, жаңа кезеңге қадам басып отырмыз, - деп атап өтті министр.

Халықаралық жоба аясында жыл бойы Ақтауда түркі әлемінің ортақ мәдени кеңістігін кеңейтіп, бірлігін одан әрі нығайта түскен, мындаған әртістерді, ғалымдар мен қонақтарды біріктірген 30-дан астам ауқымды халықаралық іс-шара өтті. Олардың қатарында музыка, эпос, фольклор және би фестивальдары,

шығармашылық симпозиумдар мен ғылыми конференциялар, сондай-ақ балалар мен жастарға арналған түрлі байқаулар бар.

1400 әртіс қатысып, 150 мыңнан астам көрермен тамашалаған шара өңірдегі ең ауқымды әрі есте қаларлық мәдени оқиғалардың бірі.

Сонымен қатар жыл аясында өткен маңызды іс-шаралардың бірі - 7 елден келген 9 театр қатысып, үш мыңнан астам көрермен тамашалаған III халықаралық театр фестивалін ерекше атап өткен жөн. Сондай-ақ 47 конкурстық фильм ұсынылған, түркі кинематографистері үшін шығармашылық маңызды алаңға

Соңы 3-бетте. →

2026 жылға «Жаңаөзен» газетіне жазылу жүріп жатыр

ЖАЗЫЛУ ӨДІСТЕРІ

QazPost

«ҚАЗПОШТА» БӨЛІМШЕЛЕРІ АРҚЫЛЫ
«QAZPOST» ҚОСЫМШАСЫ АРҚЫЛЫ



РЕДАКЦИЯ АРҚЫЛЫ
«НАЛҰК» ЖӘНЕ «KASPI.KZ»
ҚОСЫМШАЛАРЫ АРҚЫЛЫ

12 АЙҒА ЖАЗЫЛУ БАҒАСЫ

	Заңды тұлға	Жеке тұлға
Редакция арқылы	11 040 тг	5 520 тг
QazPost арқылы	15 678,00 тг	7 785,48 тг



ZHANAÖZEN.GAZETI



ЖАҢАӨЗЕН ГАЗЕТИ



+7 (778) 145 - 90 - 93
Қосымша ақпарат үшін (Жарнама бөлімі)



«МАҢҒЫСТАУ МЕДИА» ЖШС
Ақтау қаласы, 9 ш/а, 42/1

АУЫЛ ӘКІМДЕРІНІҢ ДИАЛОГ ПЛАТФОРМАСЫ: өңірлерді дамытуға бағытталған ортақ көзқарас

АҒЫМДАҒЫ ЖЫЛДЫҢ 28 ҚАРАША КҮНІ ЕЛ ОРДАСЫ - АСТАНА ҚАЛАСЫНДА АУЫЛДЫҚ АУМАҚТАРДЫ БАСҚАРУ, ИНФРАҚҰРЫЛЫМ МЕН ӘЛЕУМЕТТІК ДАМУ МӘСЕЛЕЛЕРІНЕ АРНАЛҒАН АУЫЛ ӘКІМДЕРІНІҢ ДИАЛОГ ПЛАТФОРМАСЫ ФОРУМЫ ӨТТІ. ФОРУМНЫҢ БАСТЫ МАҚСАТЫ - АУЫЛ ӘКІМДЕРІ АРАСЫНДА ТӘЖІРИБЕ АЛМАСУҒА ЖАҒДАЙ ЖАСАП, ЖЕРГІЛІКТІ БАСҚАРУДАҒЫ ТИІМДІ ТӘСІЛДЕРДІ ОРТАҚ ТАЛҚЫЛАУ.



қатар Президенттің уәкілетті органдар дерекқорларына қолжетімділікті жеңілдету жөніндегі тапсырмасы да өте өзекті. Ақпараттық жүйелерге еркін қол жеткізу әкімдердің жұмысын жеделдетіп, шешім қабылдау процесін жеңілдетеді. Бұл - цифрлық мемлекет қағидаттарына толық сәйкес келетін бағыт. Ауылдардың инфрақұрылымын, инженерлік жүйелерін, жол, су, байланыс және интернет сапасын жақсарту жөніндегі тапсырмалар да ауылдық жердің дамуына жаңа серпін беретіні анық. Инфрақұрылымды әлсіз ауылдың әлеуметтік-экономикалық дамуы тежелетіні белгілі. Сондықтан бұл бағыттағы мемлекеттік саясаттың күшеюі - ауыл тұрғындарының тұрмыс сапасын арттыруға әсер етеді. Президенттің жауапкершілік пен есеп беруді күшейту жөніндегі бастамасы да аса маңызды. Халық сенімін ақтау және ауыл тұрғындарының сұранысына дер кезінде жауап беру - әкім қызметінің басты көрсеткіші. Осыған байланысты әкімдердің жауапкершілік тетіктерін заңнамалық тұрғыда нақтылау - тиімді басқаруға жол ашады.

Қорыта келе, Ауыл әкімдерінің диалог платформасы форумы - ауылдық аумақтарды дамыту ісінде жаңа мүмкіндіктер ашатын, басқарудың заманауи моделіне көшуге ықпал ететін маңызды бастама. Форумда

көтерілген мәселелер мен Президент тапсырмалары елдің ауылдық аймақтарын кешенді түрде дамытуға бағытталған жүйелі саясаттың негізін құрайды деп есептеймін.

Рахат ауылының әкімі Райымбек Сырымов:

- Кездесу жоғары деңгейде ұйымдастырылды. Онда барлық деңгейдегі мәселелер талқыланды. Оның шешу жолдары да зерделенді. Бұл кездесудің өзіндік септігі болады деген сенімдемеміз. Үйренгеніміз көп, ең бастысы - тәжірибе алмасу. Форумда әр өңірдің нақты шешімдерін көріп, өз жұмысымызға қолдануға болатын жаңа тәсілдерді байқадық. Форумның бір маңызды нәтижесі - тұрғындармен тұрақты қарым-қатынас орнатудың жаңа форматтарын талдау. Сумен қамту, жол, денсаулық пен білім беру нысандары - әлі де ауылдардың негізгі мәселесі. Форумда осы бағытта қаражатты тиімді бөлу, жобаларды кезең-кезеңімен жоспарлау және мемлекеттік бағдарламаларды қолжетімді ету жолдары талқыланды. Қорытындылай келе, форумнан идея ғана емес, нақты қадамдар жоспарын ала қайттық.

Тенге ауылының әкімі Жалғас Агисов:

- Форум бізге тек тәжірибе емес,

нақты бағыт берді. Әр ауылдың мәселесі ұқсас: су, жол, әлеуметтік нысандар, жастарды қолдау. Бірақ шешім тәсілі әртүрлі. Бастысы - ауылдағы әр жобаның артында халықтың үні тұруы керек. Біз Тенгеде тұрғындармен жиі кездесу өткізіп, ұсыныстарды бірге жинаймыз. Сол модельді одан әрі жүйелендірсек, нәтижеміз де күшті болады. Форумда цифрландыру, қаржыландыру тетіктері және шағын кәсіпті қолдау құралдары бойынша пайдалы ақпарат берілді. Ауылдағы жас кәсіпкерлерге нақты сүйеніш керек. Қарапайым гранттар, оқыту бағдарламалары бар, бірақ оны ауылға жеткізу жолын жақсартуымыз қажет. Осы бағытта әріптес өңір әкімдерімен байланыс орнаттық.

Қызылсай ауылының әкімі Қанат Аманжанов:

- Форум барысында сарапшылар жергілікті өзін-өзі басқаруды жетілдіру, цифрлық қызметтерді ауылдарға енгізу, шағын және орта бизнесті дамыту мәселелерін талқылады. Қатысушылар ауыл әкімінің рөлі тек басқару процесін шектелмей, қоғаммен тұрақты диалог орнататын көшбасшы болу екенін атап өтті. Диалог алаңында инфрақұрылымдық жобаларды жоспарлау механизмі, мемлекеттік бағдарламаға ауыл халқын тарту, әлеуметтік нысандарды тиімді пайдалану, жергілікті тұрғындардың ұсыныстарын шешім қабылдау процесіне енгізу сияқты бағыттар талқыланды. Ауылдағы проблемалар белгілі: инфрақұрылым, әлеуметтік нысандар, жұмыс орындары. Бірақ форумда біз шешім қабылдаудың жүйелі жолдарын көрдік. Әр жоба қысқа мерзімді емес, мақсатты жоспармен жүзеге асуы тиіс. Қызылсайда біз қазір инженерлік желілерді жаңарту мен әлеуметтік инфрақұрылымды күшейтуге басымдық беріп отырмыз.

Гүлсім МҰРЫНОВА

Жылында Мемлекет басшысы Қасым-Жомарт Тоқаев сөз сөйлеп, ауылды өркендету, ауыл әкімдері институтын одан әрі жетілдіру міндеттерін айқындады. Сондай-ақ еліміздің саяси және әлеуметтік-экономикалық дамуының маңызды мәселелеріне тоқталды. Бүгінде еліміз бойынша 2334 ауыл әкімі сайланған екен.

Форумға Маңғыстау облысынан 34 ауыл әкімі қатысқан. Олардың қатарында Жаңаөзен қаласындағы Қызылсай ауылының әкімі Қанат Аманжанов, Тенге ауылының әкімі Жалғас Агисов, Рахат ауылының әкімі Райымбек Сырымов және Кендірлі ауылының әкімі Медет Токтасынов бар. Олардың жас ерекшеліктері 32, 34 және 41 жаста.

Делегация өкілдері өңірдің шынайы проблемаларын, сонымен қатар ауыл тұрғындарының әлеуметтік жағдайын жақсартуға бағытталған идеяларын ортаға салды. Жаңаөзендік әкімдер ауызсу мен коммуналдық инфрақұрылымды жаңарту, ауыл жолдары мен көлік қатынасын жақсарту, медицина мен білім беру нысандарын қолжетімді ету, жастардың кәсіпкерлік бастамаларын қолдау секілді өзекті мәселелерге назар аударды.

Ел ордасы Астанада өткен Ауыл әкімдерінің диалог платформасы форумына қатысып келген Жаңаөзен қаласына іргелес төрт ауылдың

әкімдері форумнан мол тәжірибе жинап, ауылдарды дамытуға қатысты өз ой-ларын ортаға салды. Олардың айтуынша, жиын ауылдық деңгейдегі мәселелерді тек қағаз жүзінде емес, жүйелі шешімдер арқылы қарастыруға мүмкіндік берген.

Кендірлі ауылының әкімі Медет Токтасынов:

- Астана қаласында өткен Ауыл әкімдерінің диалог платформасы форумына Жаңаөзен қаласынан қатыстық. Ауыл әкімдерінің диалог платформасы форумы - жергілікті басқару жүйесін дамытуға бағытталған маңызды іс-шаралардың бірі. Бұл форум ауыл деңгейіндегі өзекті мәселелерді талқылауға, әкімдердің тәжірибе алмасуына және орталық мемлекеттік органдармен тікелей диалог орнатуға мүмкіндік берді. Мұндай алаң ауыл әкімдерінің жұмыс сапасын арттыруға, сондай-ақ басқару процесін ашық әрі тиімді етуге ықпал етеді деп ойлаймын. Форум барысында Мемлекет басшысы Қасым-Жомарт Тоқаев жүктеген тапсырмалар ауылдық аумақтардың дамуына стратегиялық тұрғыдан бағытталған деп санаймын. Президент атап өткен негізгі міндеттердің бірі - ауыл әкімдерінің өкілеттіктерін нақтылау және күшейту. Бұл шешім жергілікті мәселелерді дер кезінде әрі тиімді шешуге мүмкіндік береді. Әкімдердің құзыреті мен жауапкершілігін нақты айқындау - басқару сапасын жақсартудың басты тетігі. Сонымен

Мақсат - әдістемелік жұмысты жүйелеу

«MANGYSTAU EDUCATION PRO» ЖОБАСЫ АЯСЫНДА МАҢҒЫСТАУ ОБЛЫСЫНЫҢ БІЛІМ БЕРУ ҰЙЫМДАРЫ БАСШЫЛАРЫНЫҢ ОРЫНБАСАРЛАРЫНА АРНАЛҒАН ОҚЫТУ СЕМИНАРЫ ӨТКІЗІЛДІ. ШАРА 2025 ЖЫЛДЫҢ 12, 14 ЖӘНЕ 18 ҚАРАША КҮНДЕРІ ҮШ ТОП БОЙЫНША ҰЙЫМДАСТЫРЫЛЫП, ЖАЛПЫ 150 ҚАТЫСУШЫ ҚАМТЫЛДЫ.



Семинарда оқу-тәрбие процесін басқарудың заманауи тәсілдері, әдістемелік жұмысты жүйелеу, сапа мониторингін жоспарлау және мектепшілік менеджментті жетілдіру мәселелері қарастырылды. Қатысушылар тәжірибелік тапсырмалар орындап, кәсіби тәжірибе алмасу алаңында жұмыс жасады.

Оқыту семинарын «Өрлеу» БАҰО» АҚ Маңғыстау облысы бойынша Кәсіби даму институты» филиалының

кафедра меңгерушісі, педагогика ғылымдарының магистрі Ресугүл Нұрова жүргізді. Тренер семинар бағдарламасын мазмұнды әрі нәтижеге бағытталған форматта ұйымдастырды.

Семинар қорытындысында қатысушылар басқарудағы тиімді тәсілдерді меңгеріп, өз ұйымдарында сапаны арттыруға бағытталған практикалық модельдерді қолдануға дайын екендерін білдірді.

Шам ШЫРАҚ.

Маңғыстаулық өрендер БІЛІМ БИГІНДЕ

25-29 ҚАРАША АРАЛЫҒЫНДА АСТАНА ҚАЛАСЫНДА ҚАЗАҚСТАН РЕСПУБЛИКАСЫ ОҚУ-АҒАРТУ МИНИСТРЛІГІНІҢ «ЛАРЫН» РЕСПУБЛИКАЛЫҚ ҒЫЛЫМИ-ПРАКТИКАЛЫҚ ОРТАЛЫҒЫНЫҢ ҰЙЫМДАСТЫРУЫМЕН АУЫЛ МЕКТЕПТЕРІНІҢ 9-11 СЫНЫП ОҚУШЫЛАРЫНА АРНАЛҒАН ЖАЛПЫ БІЛІМ БЕРЕТІН ПӘНДЕР БОЙЫНША РЕСПУБЛИКАЛЫҚ ОЛИМПИАДА ӨТТІ.

Олимпиадаға барлық ауылдардан үздік оқушылар жиналып бақ сынасты. Осы олимпиаданың қорытындысы бойынша №14 жалпы білім беретін мектебінің 9 сынып оқушысы Кәусар Оғланбек химия пәні бойынша алға шығып, алтын медаль иеленді. Оқушының жетекшісі №14 жалпы білім беретін мектебінің химия пәнінің мұғалімі Салтанат Шинбаева. Ол шакіртінің жеңісіне қуанып, олимпиадаға дайындығы жөнінде айта өтті.

- Кәусарды 7 сыныптан бері дайындап келе жатырмын, 7-8 сыныптан жалпы пәндер олимпиадасының қалалық кезеңінен 1 орын алып, облыстық олимпиадаларға қатысып жүрді. Ауыл мектептері оқушыларына арналған олимпиада 9 сыныптан басталады, биылғы оқу жылында сол олимпиаданың қалалық, облыстық кезеңдеріне қатысты. Барлығынан жүзделі 1 орын алды. Былтырғы оқу жылында да осы республикалық олимпиадаға 1 оқушымыз қатысып, 3 орын иеленген болатын. Оқушымыз жарады, өзінің білімі мен дарынының арқа-сында топ жарды, - дейді жетекшісі Салтанат Шинбаева.

Олимпиада 2 кезеңнен тұрды. Теориялық-есептер шығару және тәжірибелік тур тапсырмасын орындау. Әр кезең белгіленген уақыт бойынша жүріп отырды. Оқушылардың жұмыстарын бағалаушылар 2 кезең аяқталған соң, өзара ақылдасып, сайыс қорытындысын шығарды.

Бұндай сайыстар оқушылардың білім деңгейін арттырып, бір-бірімен тәжірибе алмасуға мүмкіндік береді. Өртүрлі қала, ауылдардан келген үздік оқушылардың алдын орап, олимпиада жеңімпазы атанған Кәусар өз сезімімен бөлісті.

- Мен 7 сыныптан бастап химиядан



олимпиадаларға қатысып келемін. Бұл олимпиадаға бірнеше ай бұрын дайындала бастадым. Уақытымыз тиімді пайдаланып, тапсырмалар орындап, білімімді нығайттым. Жарыс кезінде қобалжу болды, ал кейбір тапсырмалар күрделі көрінді. Сонымен қатар уақытты дұрыс бөлу де қиындық тудырды. Қатысушылар жақсы дайындалған, білім деңгейі жоғары екені байқалды. Барлығы белсенді болды, сол себепті бәсекелестік жоғары деңгейде өтті. Алдағы уақытта әртүрлі олимпиадаларға және ғылыми жарыстарға қатысқым келеді. Бұл мен үшін үлкен тәжірибе болады, - дейді жеңімпаз Кәусар Оғланбек.

Әрі қарай да бағың жанып, биік белестен көрінуіңе тілектеспіз. Жерлесімізді шын жүреппен құттықтаймыз!

Гүлмира АЙЫТҚАЛИЕВА

САЛТАНАТТЫ ШАРА

ТҮРКІ МӘДЕНИЕТІНІҢ ТӘЖІН ТАҚҚАН АҚТАУ

Басы 1-бетте.

айналған «Қорқыт ата» халықаралық кинофестивалінің де маңызы зор.

«Ақтау - түркі әлемінің мәдени астанасы» халықаралық іс-шарасының жабылу салтанатында бауырлас елдердің өкілдері қазақ халқының бай мәдени-рухани мұрасы бүкіл түркі әлемі халықтары үшін шабыттың сарқылмас көзі болатынын жеткізді.

Түркі мемлекеттері ұйымындағы конструктивті рөл, экономикалық орнықтылығы, бай мәдени мұрасы және тұрақты дамуы Қазақстанды түркі елдерінің арасында көшбасшы деңгейге көтеріп отыр. Қазақстан Республикасы Президенті Қ.Тоқаевтың көрегендігі мен көшбасшылығы өңірлік бейбітшілікті нығайтуға, көпвекторлы дипломатияны дамытуға және түркі әлемінің бірлігі идеясын ілгерілетуге орасан үлес қосуда. Бүгінгі салтанатты іс-шара - осы бірізді саясаттың және Қазақстанның инклюзивтілік дәстүрінің жарқын көрінісі, - деді Б.Иылдырым.

Ал ТҮРКСОЙ бас хатшысы Сұлтан Раев Ақтау қаласы бүкіл түркі қауымдастығы үшін бауырластықтың және жана мүмкіндіктердің символына айналғанын айтты.

Салтанатты іс-шара соңында Ақтау қаласының әкімі Әбілқайыр Байпаков 2026 жылғы Түркі әлемінің мәдени астанасы мәртебесін бауырлас Өзбекстанның қаласы - әсем Әндіжанға табыстады.

Мәдени астана атану - құр мәртебе емес. Бұл елдеріміздің мәдени ынтымақтастығын, ортақ рухани кеңістікті бірілесе дамытуға берілген

үлкен мүмкіндік пен сенім. Ақтау қаласы дүние жүзінің мың жылдық мұрасын біріктірген алтын көпірге айналды, - деді Ақтау қаласының әкімі.

Әбілқайыр Байпаков, көне дәстүрлер мекені, өзбек поэзиясының бесігі, талантты шеберлер мен музыканттардың туған жері саналатын Әндіжан келесі жылы бүкіл түркі дүниесінің жарқын мәдени орталығына айналарына сенімі зор екенін мәлімдеп, осы жауапты миссияны лайықты атқаруға сәттілік тіледі.

МИНИСТРЛЕР МӘДЕНИ БАЙЛАНЫСТЫ НЫҒАЙТПАҚ

Ақтауда ТҮРКСОЙ елдері мәдениет министрлерінің 42-отырысы өтті. Отырыста ҚР Мәдениет және ақпарат министрі Аида Балаева, Түркістанның мәдениет министрі Атагелды Шамыраров, Өзбекстанның мәдениет министрі Озодбек Назарбеков, Әзірбайжан Мәдениет министрінің орынбасары Мурад Гусейнов, Қырғызстан Мәдениет, ақпарат, спорт және жастар саясаты министрінің орынбасары Аскаралы Мадаминов, Түркия Мәдениет және туризм министрінің орынбасары доктор Сердар Чам, Маңғыстау облысы әкімінің орынбасары Тілеген Әбішев қатысты.

Басқосудың басты мақсаты - «Ақтау - түркі әлемінің мәдени астанасы» жобасы аясында жүзеге асқан ауқымды жұмысты қорытындылап, алдағы болашаққа арналған жұмыстарды талқылап, ынтымақтастықты дамыту бойынша жаңа ұстанымдарды қарастыру.

Жиында Әзірбайжандағы Габала қаласында өткен түркі мемлекеттері ұйымының XII саммитінде

жарияланған қорытынды құжаттар мен президенттердің тапсырмалары талқыланды. Отырыс барысында 2026 жылға арналған ТҮРКСОЙ ұйымының жұмысын жетілдіру бойынша жұмыс тобын құру туралы шешім қабылданды. Сонымен қатар «Ақтау - түркі әлемінің мәдени астанасы» жылының қорытындысы шығарылды. Аида Балаева өз сөзінде айтулы жыл аясында кең ауқымды жұмыс атқарылғанын атап өтті.



Жиында ТҮРКСОЙ бас хатшысы Сұлтан Раев құттықтау сөз сөйледі. Ол биыл үш мыңнан астам әртістің қатысуымен бауырлас елдердің бай мәдени мұрасын жаңғырту, ұлттық құндылықтарды дәріптеу және ұмыт бола бастаған дәстүрлерді қайта жандандыруды мақсат еткен түрлі іс-шаралар ұйымдастырылғанын, жүздеген басылым мен цифрлық материал жарияланғанын тілге тиек етті. ТҮРКСОЙ ұйымы 30 жылдан астам уақыт бойы түркі әлемінің мәдени диалогының іргесін қалап келеді. Кейінгі жылдары бірлескен күш-жігер арқасында ұйымның гуманитарлық



бастамаларының белсенділігі мен халықаралық ықпалы айтарлықтай артты. ТҮРКСОЙ қызметінде түркі әлемінің көрнекті тұлғаларының соның ішінде ұлы акын Абай Құнанбайұлының, композитор Қара Қараевтың, жазушы Шыңғыс Айтмағовтың, акын және прозашы Назым Хикметтің, көрнекті суретші Орал Таңсықбаевтың, көрнекті ақын, ойшыл Мақтымқұлы Пырағының және басқа да шығармашыл және тарихи тұлғалардың мерейтойларын атап өту ерекше назарда болды.

ТҮРКСОЙ - түркі әлемінің бірлігі мен мәдени қуатының кепілі. Халықаралық маңызға ие отырыста ҚР Мәдениет жоспары жыл бойы толастаған жоқ.

ДӘСТҮРЛІ ОЙЫНДАР - БАЛАЛАР КӨЗІМЕН

Сондай-ақ ТҮРКСОЙ мәдениет министрлерінің 42-отырысы аясында «Ақтау - түркі әлемінің мәдени астанасы» іс-шаралар бағдарламасы бойынша ұйымдастырылған «Түркі әлемінің дәстүрлі балалар ойындары» тақырыбында жас суретшілер байқауы жеңімпаздарының көрмесі өтті.

«БАҚЫТТЫ БАЛАЛЫҚ ШАҚ» ЖОБАСЫ ӨТУДЕ



«ГЕНДЕРЛІК ЗОРЛЫҚ-ЗОМБЫЛЫҚҚА ҚАРСЫ 16 КҮН» АКЦИЯСЫ АЯСЫНДА ӘРТҮРЛІ ІС-ШАРАЛАР ЖҮЗЕГЕ АСЫП ЖАТЫР. БҮЛІ ШАРА 25 ҚАРАША - ӘЙЕЛДЕРГЕ ҚАТЫСТЫ ЗОРЛЫҚ-ЗОМБЫЛЫҚТЫ ЖОЮДЫҢ ХАЛЫҚАРАЛЫҚ КҮНІНЕН БАСТАП, 10 ЖЕЛТОҚСАН - АДАМ ҚҰҚЫҚТАРЫ КҮНІНЕ ДЕЙІН ӨТКІЗІЛЕДІ. АКЦИЯ АЯСЫНДА ЖАҢАӨЗЕН ҚАЛАСЫНДАҒЫ МЕКТЕПТЕР АРАСЫНДА «БАҚЫТТЫ БАЛАЛЫҚ ШАҚ» ЖОБАСЫ ӨТУДЕ.

Акцияның мақсаты - қоғамдағы тұрмыстық зорлық-зомбылықтың алдын алу, құқықтық сауаттылықты арттыру және азаматтарды өз құқығын қорғауға үндеу. «Бақытты балалық шақ» жобасы биыл алғаш ұйымдастырылған пилоттық жоба. 27 мектептің оқушылары сахналық қойылым арқылы отбасындағы балаларға ата-ана тарапынан көрсетілетін қысым мен жәбірді сипаттап берді.

Отбасындағы балалықтың қандай екенін және баланың жүрегінде отбасындағы айқай-шудың қандай әсер қалдырғанын түсіндірдік. Кез келген отбасында әртүрлі проблема болады ғой. Бір отбасы телефон үшін, бір отбасында әкесі қатал болып, анасы баласының жақсы жағын біліп тұрса да анасы баласын әкесіне жақсы етіп көрсете алмайды. Әр отбасында әртүрлі болғаннан кейін бір арнаға тоғыстырып, қойылымды қойып шықтық, - дейді оқушы Азиза Өмірбаева.

Апта бойы оқушылар тұрмыстық зорлық-зомбылық тақырыбында тапсырмаларды орындайды. Өз құқықтарын қорғай білу мақсатында дайындалған тесттік сұрақтарға жауап береді. Әр

адамның қауіпсіз өмір сүруі - қоғамның ортақ міндеті. Тұрмыстық жанжалда көп жағдайда әйелдер мен балалар жәбір көреді. Осы мәселе бойынша Жаңаөзен қаласында жыл басынан бері 600ден аса шақырту түссе, оның 37 қылмыстық іс ретінде тіркелген. ЖҚ ПБ қызметкерлері білім бөлімі жанындағы бала құқықын қорғау мамандарымен, «Отбасын қолдау» орталығымен бірлесіп күресіп келеміз дейді.

Әр жанұяның татулығын сақтап қалу басты мақсатымыз. Әр бала ата-анасымен бірге өмір сүреуін қалаймыз. Былдыққа осы салаға қатты мән беріп жатырмыз. Түскен әрбір шақыртуға жеке-жеке тоқталатын болдық. Оларға міндетті түрде психокоррекция деген бар, арнайы мамандарға жүгіну арқылы осыны қайталамау мақсатын қарастырып отырмыз, - дейді ЖҚ ПБ тұрмыстық зорлық-зомбылыққа қарсы күрес бөлімінің бастығы.

Бес күн бойы өтетін шара №25 мектепте марапаттау кешімен қортындыланады. Акцияға белсене атсалысқан жандарға алғыс айтылып, сыйсыпат табысталады.

Асел АЛДАШОВА.

ЗОРЛЫҚ-ЗОМБЫЛЫҚҚА ҚАРСЫ АКЦИЯ БАСТАЛДЫ



ГЕНДЕРЛІК ЗОРЛЫҚ-ЗОМБЫЛЫҚҚА ҚАРСЫ 16 КҮН. ХАЛЫҚАРАЛЫҚ ДЕҢГЕЙДЕ ӨТЕТІН АТАЛҒАН АКЦИЯ ЖАҢАӨЗЕН ҚАЛАСЫНДА ДА ЖҮЗЕГЕ АСУДА. 19 МЕКТЕПТЕ ПРОФИЛАКТИКАЛЫҚ НАУҚАННЫҢ АШЫЛУЫ ӨТТІ. ШАРАҒА ЖҚ ПБ ҚЫЗМЕТКЕРЛЕРІ, «АНАЛАР» КАБИНЕТІ, «АМАНАТ» ПАРТИЯСЫНЫҢ ӨКІЛДЕРІ МЕН ОҚУШЫЛАР ҚАТЫСТЫ.

Тұрмыстық зорлық-зомбылық қоғамның өзекті мәселесі. Жәбір көрген әйелдер мен балалардың құқығын қорғап, оларға жәрдем беру адамдық міндет. Осындай жағдайға тап болған жандарға бей-жай қарамай, тиісті орындарға хабарлап, жан-жақты қолдау білдіру керек дейді басқосуға келген қатысушылар.

«АМАНАТ» партиясында 111 деген сенім телефоны бар. 24/7 сағат жасайды. Кез келген уақытта ата-ана болсын, бала болсын, егер ол қорқып келе жатса немесе мектепте мінез-құлқы көрсетіп жатса телефон соқса тез әрекет етеді. Тұрған жері бойынша ПБ-на телефон соғып, айтады, жедел әрекет етіңіз деп, - дейді «АМАНАТ» партиясы ЖҚФ атқарушы хатшысының орынбасары.

Отбасылық жанжал көп жағдайда ішкілікті күйде орын алады дейді ПБ

қызметкерлері. Мәселен, жыл басынан бері 102 желісіне 524 шақырту түскен. Оның 36-ы зорлық-зомбылыққа тап болған әйелдерге қатысты қылмыстық іс.

Оның ең көбі ішкілікті күйде орын алған қылмыстар. Яғни, жолдасы мас күйінде әйелін ұрып-соғу. Аса ауыр қылмыс тіркелген жоқ, көбісі бас, дене жарақаты. Қазіргі таңда қалалық сотқа жолданды, көбіне айыппұл және іс тағайындалуда, - дейді ЖҚ ПБ аға инспекторы Айнур Ершуақова.

Гендерлік зорлық-зомбылыққа қарсы 16 күн акциясы 25 қараша мен 10 желтоқсан аралығында жүреді. Осыған орай ашық есік күні, қолайсыз отбасыларға барып сұхбаттасу, психологпен әңгімелесу сияқты шаралар жасалады.

Асел АЛДАШОВА.

РУХТЫ ТҰЛҒАҒА ТАҒЗЫМ: «Өзбекәлі» спектаклі ұлттық сананы жаңғыртты

ҚАЗАҚ РУХАНИЯТЫНЫҢ ШАМШЫРАҒЫ, ЕЛДІК ИДЕОЛОГИЯНЫҢ БЕРІК ТИРЕГІ БОЛҒАН МЕМЛЕКЕТ ЖӘНЕ ҚОҒАМ ҚАЙРАТКЕРІ ӨЗБЕКӘЛІ ЖӘНІБЕКОВТИҢ ТАҒДЫРЫ АЛҒАШ РЕТ САХНА ТІЛІМЕН СӨЙЛЕП, КӨРЕРМЕНМЕН ҚАУЫШТЫ. ҚАРАША АЙЫНАН БАСТАП ҚАЗАҚСТАННЫҢ БАРЛЫҚ ҚАЛАЛАРЫН АРАЛАП ЖҮРГЕН ЖАҢА СПЕКТАКЛЬ ҰЛТ ПЕРЗЕНТІНІҢ ӨНЕГЕЛІ ӨМІРІН ТАНЫТАТЫН МӘНДІ ДЕ МАҒЫНАСЫ ТЕРЕҢ ТУЫНДЫ.

Айжан НАСЫРОВА

Өзбекәлі Жәнібеков (1931-1998) - этнограф, тарих ғылымдарының кандидаты, мәдениет министрі,



Қазақстан Компартиясы ОК хатшысы болған, елдің мәдени тұтастығы үшін жан аямай қызмет еткен дара тұлға. Ол - киелі Тайқазанды туған топырағына қайта әкелген, Наурыз мерекесін халқымен қауыштырған, қазақ мектептері мен театрларының қайтаашылуына себепкер болған

қайраткер. Жазушы Шерхан Мұртаза айтқандай, «Жәнібековтің халқына сіңірген еңбегін тізбелеу үшін ғана үлкен кітап жазу керек».

«Өзбекәлі» спектаклінің идея авторы әрі жоба продюсері - жас

кәсіпкер Қайрат Кенжебекұлы. Қойылымның желісі зерттеуші Санжар Керімбайдың «Өзбекәлі және мәдени майдан» кітабына негізделген. Тұтас ұлттың тағдырына ықпал еткен тұлғаның өмір жолын сахналауға төрт ай уақыт жұмсалыпты.

Қоюшы режиссер Берікхан

Төкенов: «Мәдени майдан әлі жалғасып жатыр. Бізбір қойылыммен Өзбекәлі Жәнібеков туралы бәрін айтып бітіре алмаймыз. Айтылуы керек дүние көп: фильмдер түсірілуі, мектеп бағдарламасына енгізілуі қажет. Жас ұрпақ білуі тиіс», - дейді.

Басты рөлді сомдаған актер Диас Жағыпаров төрт ай бойы қайраткердің өмірін зерттеп, жазылған еңбектерді оқып, тұлғаның мінезін, болмысын терең меңгеруге тырысқан. «Ол кісінің жасаған еңбегінің бір пайызын көрсете алсам - мен үшін бақыт. Бұл қойылым бір адамның ғана жолы емес, жастарға бағыт-бағдар беретін туынды», - дейді актер.

Спектакльдің негізгі арқауы - Өзбекәлінің қазақ жастарын білімге, ілгерілеуге шақырған қайсар әрекеті.



тайсалмады.

Билік тарапынан «тосқауыл» ретінде алыстағы Торғайға жібе-

халықтың тарихи-мәдени санасын оятты.

Оның ұстанымы бір-ақ нәрсе еді: «Мәдениеті мен тарихын білмеген жұрттың ертені бұлыңғыр». Сол себепті бар ғұмырын ұлттың білімпаз, бәсекеге қабілетті, рухы биік болашағын қалыптастыруға арнады.

Бір жарым сағаттық спектакльге Өзбекәлі Жәнібековтей алып тұлғаның бүкіл өмірін сыйдыру мүмкін емес. Дегенмен бұл қойылым - ұлттық сананы жаңғырту жолындағы маңызды қадам. Осындай туындылардың көптеп сахналануы жас буынға ұлттың бақыты үшін күрескен қайсар азаматтарды танытып қана қоймай, ұлтжандылыққа тәрбиелейді.

Өзбекәлідей нар тұлғаның өмірі - бүгінгі ұрпаққа үлгі, ертенгі елдікке бағдар. Мәдени майдан жалғасады. Оны жалғастыру - бүгінгі буынның мойнындағы аманат.



Кеңестік идеология ауыл жастарын малшы күйінде ұстауға тырысқан шақта, ол жастарды қалаға жетелеп, жоғары білім алуға үндеді. Бұл жолда түрлі қысымға ұшыраса да,

рiлгеннiң өзiнде, ол мұнда да игi-лiк жасады: Аркалықта қазақ мектептерiн қайта ашты, қаладағы нысандарға қазақша атау бердi, Торғайдан музей ашып, жергiлiктi

ҰЛЫЛЫҚТЫ ҰСТАЗДАН ҮЙРЕН

ӨТКЕН АПТАНЫҢ СОҒЫНДА ҚЫЗЫЛСАЙ АУЫЛЫНДАҒЫ СҮГІР БЕГЕНДІКҰЛЫ АТЫНДАҒЫ №4 ЖАЛПЫ БІЛІМ БЕРЕТІН МЕКТЕПТЕ АРДАҒЕР ҰСТАЗ, «ҚР ОҚУ АҒАРТУ ІСІНІҢ ҮЗДІГІ», «ЕҢБЕК АРДАҒЕРІ» ЖӘНЕ «ҰЛЫ ОТАН СОҒЫСЫНЫҢ ТЫЛ АРДАҒЕРІ» БИСАЛЫ БАБАХАНОВТЫҢ 100 ЖЫЛДЫҚ МЕРЕЙТОЙЫНА БАЙЛАНЫСТЫ МАТЕМАТИКА КАБИНЕТІНІҢ АШЫЛУЫ ӨТТІ.

Гүлназ ЖАЙБЕРГЕНҚЫЗЫ

Бисалы Бабаханов ұстаздықтан бөлек қоғам өміріне белсенді араласқан жан. Ол 1925 жылдың 5 қаңтарында ТССР Ташауз облысы, Ленин ауданы, Таза-Оба ауылында дүниеге келген. 1944 жылы Ленин ауданындағы С.М.Киров атындағы орта мектепті үздік бітірді. 1944-1945 жылдар аралығында Ташауыз қаласындағы педагогикалық училищесінде оқыды. 1948-1952жылдар арасында Ташауыз

айын-да Қызылсай кентіндегі №4 орта мектепте мұғалімдік қызметін жалғастырды.

Жұмыс барысында Бисалы Бабаханов өзінің кішіпейіл, кеңпейілділігімен мектептегі түрлі қоғамдық жұмыстарға ынтасымен араласып, өз мамандығын жоғарғы деңгейде меңгергендігімен мектеп ұжымында үлкен беделге және марапаттауға ие болды. Оның әр сабағы көрнекі құралдармен жабдықталған, жан-жақты ізденістердің нәтижесінде өтетін.

Қарапайым еңбексүйгіш педагогтың ұстаздық жолындағы абыройлы еңбегі еленіп,

ауласындағы Сүгір Бегендікұлының ескерткішіне гүл шоқтарын қойды. Соған соң бүгінде үлкен саябаққа айналған Бисалы ағаның қоғамдық негіздегі еңбегінің бір көрінісі - кезінде мектеп алдындағы өзі



есіріп, баптаған талдары жайқалған баққа қарай бет бұрды. Осының көрінісі ретінде мектептің айналасындағы бағына «Бисалы Бабахановтың бағы» ескерткіш тақтасы қойылды. Жаңаөзен қаласы әкімінің орынбасары Жаңабай Аймағанбетов пен Жаңаөзен қалалық мәслихат төрағасы Ғалым Байжанов құттықтау сөз сөйледі. Жаңаөзен қаласының Құрметті азаматы, журналистика саласының ардагері, білім беру үздігі Асылбек Айдаров Бисалы Бабахановтың өмір жолдары, бірге арқарған қызметі, ұстаздың тәлім-тәрбиесі туралы салмақты ой, салалы пікірін білдірді.

«Бисалы Бабахановтың бағына» қойылған ескерткіш тақтаның пердесін Жаңаөзен қаласының құрметті азаматы, бұрғышы-мұнайшы Ақой Раушанов ашты.

Мектеп ішіне енген кезде еңселі кабинетте жасақталған Сүгір Бегендікұлы мұражайымен арнайы дайындалған екі оқушы таныстырды. Екінші қабатта орналасқан Бисалы Бабаханов атындағы математика кабинетінің ашылу рәсімінде кабинеттің лентасын ардагер ұстаз А.Айдаров, ұзақ жылдар Қашаған Күржیمانұлы атындағы №8 орта мектебінде басшылық қызмет атқарған Күләш Алдашева және Жаңаөзен қаласы мәслихатының хатшысы қызметтерін атқарған Салиха Есжановалар қиды.

- Білім мен тәрбиенің жарқын жолында еңбек сіңірген, өнегелі өмірімен жас ұрпаққа үлгі болған Бисалы Бабахановтың туғанына 100 жыл толуына орай, мектебімізде математика кабинетінің ашылу салтанатына қош келдіңіздер!

Жүз жылдық мерейімен тұр асқардай, Ұстаздың еңбегі ел есінде жас қалмай. Математик дана еді - нұр таратқан, Шакіртке шырақ жаққан мыңбағандай.

Ашылды бүгін міне жаңа ордасы, Білімнің биіктерге бастап жолдасы. Кабинет - ұстаз рухын жалғай берер, Ғылымның мәңгі жанған шамшырағы, - деп игі шараны бастаған мектептің математика пәні мұғалімі Нұрғиса Құсайыновқа құттықтау сөз сөйлеген №4 жалпы білім беретін мектеп директоры Қалдыбике Батырова кабинет меңгерушісі бұйрығын табыстады. Сонымен бірге математика кабинетінің ашылуына демеушілік көрсетіп, кабинетті жабдықтап берген Бисалы ұстаздың ұрпақтарына, ұлы Жалғас Бисалыұлына арнайы Алғыс хат табыстады.

Мектептің музыка пәнінің мұғалімі Рақат Ақбергеновтың жетекшілігімен мектеп оқушыларының орындауында Әбдімомын Желдібаевтың «Еркесылқым» күйі, Нұрланқызы Зереқызы «Ұстазыма», 10 «В» сынып оқушысы Сайлаубай Бактияр «Ұстаз» өлеңдерін оқыды.

Кеш қонақтары Асылбек Сүйеуханұлы, Ақой Раушанов, ұстаздың ұлы Жалғас Бисалыұлы, Күләш Тасеменқызы, Балаш Табылды, Салиха Есжанқызы, Қатира Қарасайқызы Бисалы ағай жөнінде жақсы естеліктерімен бөлісті.

Бұл шара - ұлағатты азаматтың атын дәріптеу, келер ұрпаққа үлгі ету жолындағы маңызды қадам. Бисалы Бабахановтың өмірі мен еңбегі әрбір оқушы жүрегінде мәңгі сақталады.



қаласындағы мұғалімдер институтында білім алған.

Кейін өзінің туып-өскен мекенінде физика-математика мұғалімі болып қызмет атқарды. 1957 жылдан 1961 жылға дейін Чарджау қаласындағы педагогикалық институтта оқып, математика пәнінің мұғалімі мамандығын алды.

«Өзенмұнай-газ» кен орнының ашылуына орай жан-жақтан, алыс-жақыннан мамандар келіп, Ескіөзен ауылына шоғырланған кезде, атап айтқанда, 1970 жылы Бисалы Бабаханов отбасымен Маңғыстау облысына қоныс аударған. Сол жылдың қыркүйек

«ҚР Оқу ағарту ісінің үздігі», «Еңбек ардагері» және «Ұлы Отан Соғысының тыл ардагері» медальдерімен марапатталды.

Еңбек сіңірген педагог 75 жасында 2000 жылы өмірден озды. Жаңаөзен қалалық мәслихатының шешімімен Бисалы Бабаханов құрметіне Қызылсай ауылынан көше атауы берілді. Тұңғыш рет 2013 жылы «Арыс» баспасынан шыққан «Маңғыстау мұғалімдері» энциклопедиясына есімі енген.

Бисалы аға мен Оқу апай төрт ұл-қыз тәрбиелеп, жоғарғы білім берген жандар.

Алдымен, жиналған көпшілік мектеп

ӘСКЕРИ БӨЛІМДЕ

САРБАЗДАРҒА ОҚУ ГРАНТЫ ТАБЫСТАЛДЫ

ОТАН АЛДЫНДАҒЫ БОРЫШЫН АБЫРОЙМЕН АТҚАРҒАН САРБАЗДАРДЫ ҰЛЫҚТАУ МАҚСАТЫНДА САЛТАНАТТЫ ІС-ШАРА ӨТТІ.

Жансая КЕЛДІБАЙҚЫЗЫ

5548 әскери бөлімінің 2-2024 жылғы шақырылым бойынша әскери қызмет өткерген сарбаздар



ры запасқа шығарылды. Батыс Қазақстан, Ақтөбе, Атырау, Қызылорда, Түркістан, Алматы облысынан келген мерзімді әскери қызметшілер үйлеріне қайтып жатыр.

Салтанатты іс-шарада 5548 әскери бөлімі командирінің уақытша

міндетін атқарушы подполковник Хамит Бигужин сөз сөйлеп, жас сарбаздардың әскери қызметте көрсеткен ерлігі мен қайсарлығы туралы атап өтті.

- Біз 2-2024 мерзімді әскери қызметшілердің бір жылдық абыройлы қызметін аяқтап, оларды салтанатты түрде шығаруға жиналып отырмыз. Бұл - әр сарбаз үшін жауапкершілікке толы маңызды кезеңнің аяқталғанын

білдіретін ерекше күн. Өткен бір жыл ішінде сарбаздарымыз әскери бөлімінің жауынгерлік дайындығын нығайтып қана қоймай, Жаңаөзен қаласының қоғамдық тәртібіне, тыныс-тіршілігіне елеулі үлес қосты. Әр тапсырмада жинақылық пен тәртіп, антқа деген адалдық айқын көрінді. Баршаңызға ең бастысы - отбасыларыңызбен аман-есен қауышып, мақсаттарыңызға сүрінбей жетіп, жолдарыңыз ашық болсын дегім келеді, - дейді.

Іс-шара барысында жас сарбаздарға мемлекет тарапынан білім алу мүмкіндіктері ұсынылды. Оларға мемлекеттік грантта оқуға арналған сертификаттар табысталды. Бұл - мемлекет тарапынан жастарға көрсетіліп отырған зор мүмкіндік пен қолдау.

- ҚР Ұлттық Ұланы Батыс Өңірлік қолбасшылығы 5548 әскери бөлімінің сарбаздарына жоғарғы оқу орындарына түсуі үшін арнайы білім гранттары табысталды. Жоғарғы оқу орындарына арналған бұл гранттар - жауынгерлік дайындық үздіктеріне, қызмет барысында ерекше көзге түскен әскери қызметшілерге және тәртібі жақсы сарбаздарға берілді. Бұл сертификаттары ұтып алған сарбаздар алдағы уақытта еліміздің беделді жоғарғы оқу орындарына

тегін оқуға түсе алады, - дейді 5548 әскери бөлімі жауынгерлік дайындық бөлімше бастығы майор Бейімбет Жолкенов.

Грант ұтып алған сарбаздардың қуанышы шексіз. Олар өздерінің еңбектері бағаланғанына және мемлекет тарапынан қолдау алғанына

мені тәртіпке, шыдамдылыққа, жауапкершілікке үйретті. Мен запасқа шығып қана қоймай, үлкен қуанышқа бөленіп отырмын. Мемлекет тарапынан білім грантын ұтып алу, жаңа мүмкіндіктерге жол ашты. Бұл - менің еңбегіме берілген баға ғана емес, болашаққа деген



шын көңілмен ризашылықтарын білдірді. Әскери қызмет кезінде алған тәжірибелері мен тәртіптік дағдылары білім жолында да көмектесетініне сенімдері мол.

- Орал қаласынан 5548 әскери бөліміне Отан алдындағы борышымды өтеуге келгенмін. Бір жыл ішінде көп нәрсе үйрендім. Әскери қызмет

сенім. Өзім қалаған мамандықты таңдадым. Ауылға оралғасын Жәңгір хан атындағы Батыс Қазақстан аграрлық-техникалық университетінде агроинженер мамандығы бойынша білім алатын боламын, - дейді сарбаз Ильяс Сырымов.

АЗАМАТТЫҚ ПАРЫЗЫМ ДЕП БІЛЕМІН

ӘСКЕРГЕ БАРУ - ӘРБІР АЗАМАТ ҮШІН АБЫРОЙЛЫ МІНДЕТ. ӨЗ ЕЛІНІҢ ҚАУІПСІЗДІГІН ҚАМТАМАСЫЗ ЕТУ ЖӘНЕ ЕЛДІҢ ҚОРҒАНЫС ҚАБІЛЕТІН НЫҒАЙТУ ЖОЛЫНДА САНАЛЫ ТҮРДЕ ӘСКЕРГЕ ҚАТАРЫНА БАРАТЫН ЖАСТАРДА АЗ ЕМЕС. ОСЫНДАЙ ӨРЕНДЕРДІҢ БІРІ - ӘСКЕР ҚАТАРЫНА ӨЗ ЕРКІМЕН БАРЫП, ОТАН АЛДЫНДАҒЫ БОРЫШЫН АБЫРОЙМЕН ӨТЕГЕН ЖАС САРБАЗ - АРТУР ТЕМІРБОЛАТОВ.



Артур Ақболатұлы 2005 жылы 14 қыркүйекте Орал қаласы, Бөкей Орда ауданы, Хан ордасы ауылында дүниеге келеді. Ауылда 9-сыныпты аяқтаған соң, Орал қаласындағы Жоғары инженерлік техникалық колледжде білім алып, техникалық саладағы алғашқы қадамдарын жасады. Колледжді тәмамдағаннан кейін ол өз еркімен Отан алдындағы қасиетті борышын өтеу үшін Жаңаөзен қаласындағы 5548 әскери бөліміне келді. Бұл - оның азаматтық жауапкершілігін, елге деген құрметі мен сүйіспеншілігін айқын көрсеткен қадам еді. Оның айтуынша, әр азамат елдің тыныштығы мен тұтастығын қорғауға дайын болуы тиіс. «Әскер - тек тәртіп пен күштің мектебі ғана емес, ер жігіттің азамат ретінде қалыптасу жолы», - дейді ол. Сондықтан әскерге шақыртуды күтпей-ақ, өзі барып, ерікті түрде қызмет етуге бел буған.

- Бұл - азаматтық парызымды абыроймен атқарамын деген ниетімнің бір көрінісі еді. Әскери бөлімге келген алғашқы күннен бастап жаңа ортаға үйреніп, тәртіпке бейімделдім. Бір ай уақыт ішінде қарулас бауырларыммен танысып, әскери өмірдің қызығы мен жауапкершілігін сезіне бастадым. Ең жас әскери бөлімдердің бірі болса да, кәсіби дайындығы мен тәртіп үлгісі арқылы өзін жақсы жағынан танытқан. Әскери бөлімде қызмет етіп жатқаным

11 ай болды, осы уақыт аралығында қарулас бауырлармен бірге өткерген әр күн - нағыз ерліктің мектебі, бауырмалдықтың биік үлгісі. Әскери өмірде қызметтік жетістіктер де аз емес, соның бірі «Батыс» өңірлік қолбасшылығы өткізген сайысқа қатысып, өзімнің дайындық деңгейімді көрсетіп, қоғамдық тәртіпті күзету бойынша «Үздік патрульші» номинациясын алғаным. Осы жетістігімді пайдалана отырып 5548 әскери бөлімінің ұжымына, маған бағыт-бағдар көрсеткен қарулас достарыма және бөлім командирі Нурмуратов Марат Нурланұлына шексіз алғысымды білдіремін. Жас буынға айтарым - Отан алдындағы борышты адал атқару - әр азаматтың қасиетті міндеті. Туған елге қызмет ету - ең үлкен мақтаныш, - дейді ол.

Бір жылдық әскери қызмет оны нағыз тәртіпті, жауапкершілігі жоғары азамат ретінде тәрбиеледі. Ол қиын жағдайда сабыр сақтауды, кез келген істі соңына дейін жеткізуді, ұжыммен бірлесіп жұмыс істеуді үйренді. Бүгінде елге адал қызмет ету - оның өмірлік ұстанымына айналған. Өз еркімен әскерге бару - үлкен жүректің, биік мақсаттың белгісі. Мұндай азаматтар ел болашағының мықты тірегі. Ерік-жігері күшті, рухы биік сарбаздың өмір жолы жастарға үлгі, елге сенім ұялатады.

Айлин АСҚАР.

ӨРКЕН КЕНЖЕБЕК: Жаңаөзен дамып келеді

«ӨЗЕНМҰНАЙГАЗ» КОМПАНИЯСЫНЫҢ ҰЙЫМДАСТЫРУЫМЕН «ЕҢБЕК - БІЗДІҢ КҮШІ, ЖАСТАР - БІЗДІҢ БОЛАШАҚ» ТАҚЫРЫБЫНДА ЖАСТАР ФОРУМЫНА ЖУРНАЛИСТ, БЛОГЕР ӨРКЕН КЕНЖЕБЕК СПИКЕР РЕТІНДЕ ҚАТЫСҚАН БОЛАТЫН. ФОРУМ БІТКЕН СОҢ БІЗ ТАНЫМАЛ САЯХАТШЫНЫ СӨЗГЕ ТАРТЫП, ӨРКЕН КЕНЖЕБЕКТЕН СҰХБАТ АЛДЫҚ.



міндеттердің бірі.

- Қазақстанда бұл мәселені қалай шешуге болады?

- Қазақстанда 3 миллиондай отбасы бар делік. Егер әр отбасы баласына «әр киімнің адал жолмен тап» деп үйретсе, бір-екі буында елімізде масылдық болмайды. Бұл жерде мәселе заңмен ғана шешілмейді, тәрбие мен отбасы үлгісі ең маңызды. Яғни әр адамға жауапкершілік сезімін дарыту арқылы қоғамдағы мәселелерді азайтуға болады.

- Өркен мырза, сіз Жаңаөзенге қаншалықты жиі келесіз және бұл қалаға деген көзқарасыңыз қалай өзгерді?

- Соңғы 15 жыл ішінде мен Жаңаөзенге кемінде он рет келген шығармын. Әр келуімнің өзіндік себебі бар, бірақ ер жолы қаланың даму процесін бақылауға тырысамын. Бұрынғы Жаңаөзеннің кейпі мен қазіргі қаланың бетбейнесі айтарлықтай өзгерді. Монокалалардың көбінде «өлі» қала күйі басым болып жатады. Ал Жаңаөзенде керісінше, көш ілгерілеу басым. Мұнда тек мұнай саласы дамып қана қоймай, заманауи өмір саласы, әлеуметтік және экономикалық бастамалар да алға қойған мақсат ретінде көрінеді. Бұл қала өзінің жаңаруға деген талпынысын айқын көрсетіп отыр.

- Сіз еңбек мәдениетін жиі айтып жүрсіз. Бұл туралы нақты мысал келтіре аласыз ба?

- Әрине. Мысалы, мен Қытайда болғанда теледидардан бір кино көрдім. Онда жесір әйел екі қызын асырау үшін түшпара пісіруді кәсіпке айналдырады, кейін сол кәсіпті кеңейтіп, фабрика ашады. Бұл мысал бізге еңбек пен табандылықтың қаншалықты маңызды екенін көрсетеді. Қоғамдық өмірде «еңбек етсең - емерсің» деген ұғымды насихаттау өте маңызды. Егер адамдарды жалқаулыққа үйретіп қойсақ, оған қарсы әрекет жасау қиын болады. Сондықтан әрбір елде, әрбір қоғамда еңбеккерлікті, ізденуді насихаттау - басты

- Тазалық, тәртіп пен тәрбиенің маңызы туралы не айтасыз?

- Мәселе ұрпақтардың санымен өлшенбейді. Қоқысты дұрыс жерге тастамау - әр адамның жеке жауапкершілігі. Мысалы, Жапонияда адам пәтерге көшкенде екі апталық арнайы семинардан өтуі керек: қақпақты бөлек, қағазды бөлек, пластикті бөлек сұрыптау тәсілін үйренбейінше, пәтердің кілтін бермейді. Бұл - заң, әдет және тәрбие арқылы адамдарды тәрбиелеудің тамаша мысалы. Біз де елімізде тәртіп пен тазалықты осылай қалыптастыруымыз қажет. Жақсы заң да, жақсы тәрбие де тек осылай іске асады.

- Қаланың болашағына деген көзқарасыңыз қандай?

- Егер әр отбасы баласына ізгілікті, еңбеккерлікті, адалдықты үйретсе, Қазақстанда бірнеше буын ішінде жақсы мәдениет қалыптасады. Жастарымыз өз ұрпағын дұрыс тәрбиелесе, елде масылдық болмайды, қоғам дамиды. Мысалы, әр адам баласын тәрбие арқылы еңбекке баулыса, азаматтық жауапкершілікті түсінсе, елдің дамуына үлкен үлес қосады.

- Рақмет, Өркен мырза, ой-пікірлеріңіз өте маңызды және пайдалы болды.

- Рақмет!

Сұхбатты жүргізген Гүлсім МҰРЫНОВА.

МЕМЛЕКЕТТІК ҚЫЗМЕТ АТҚАРУ - ЕРЕКШЕ СЕНІМ

ҚАЗАҚСТАН РЕСПУБЛИКАСЫНЫҢ МЕМЛЕКЕТТІК ҚЫЗМЕТІ ҚОҒАМ ӨМІРІНДЕ ЕРЕКШЕ РӨЛІ АТҚАРАДЫ. ОЛ ҚОҒАМНЫҢ ТЫНЫС-ТІРШІЛІГІН ҚАМТАМАСЫЗ ЕТУДІ ЖӘНЕ ҚОҒАМДЫҚ МҮДДЕЛЕРДІ ЕҢ ҮЗДІК ЖӘНЕ ТИІМДІ ТӘСІЛМЕН ҚАНАФАТТАНДЫРУДЫ БІЛДІРЕДІ.

Мемлекеттік қызметшілер өз қызметінде мемлекеттік саясатты ұстануға және оны дәйекті түрде іс жүзіне асыруға, қоғамның мемлекеттік қызметке, мемлекет пен оның институттарына деген сенімін сақтауға және нығайтуға ұмтылуы тиіс.

Бұл арада, мемлекеттік қызметтің миссиясын, мемлекеттік қызметшілердің ерекше құқықтық мәртебесін, олардың алдына қойылған міндеттердің өзіндік ерекшелігін ескере отырып, мемлекет азаматтар үшін, кандидаттарға қойылатын талаптарды және тиісті шектеулерді қоса алғанда, мемлекеттік қызметке кіру және оны өткеру қағидаларын

айқындауға құқылы.

Аталған мәселелер мемлекеттік аппарат қызметінің тиімділігін, мемлекеттік биліктің бірден-бір бастауы - халық сенімін және берілген өкілеттіктердің теріс пайдаланылуына жол бермеуді қамтамасыз ету қажеттілігімен байланысты болуы мүмкін.

Осыған орай, 2025 жылдың 10 қаңтарында Мемлекет Басшысымен «Қазақстан Республикасының мемлекеттік қызметі туралы» Заңының 16-бабына Конституцияға сәйкес келмейтін деп танылған бірқатар заңнама нормаларына өзгертулер қабылданды.

Аталған өзгертулерге сәйкес,

азаматтардың мемлекеттік қызметке кіру кезінде келесі мерзімдерге шектеулер көзделетін болады:

1 жыл - Қазақстан Республикасы заңдарымен көзделген шектеулерді немесе қызметтік әдеп нормаларын сақтамағаны үшін жұмыстан шығарылған тұлғалар үшін;

2 жыл - мемлекеттік қызметке кіріп келтірген тәртіптік теріс қылық үшін жұмыстан шығарылған тұлғаларға (бұрын заңнамада өмір бойынша шектеу көзделген);

3 жыл - мемлекеттік қызметке кіріп алдындағы сыбайлас жемқорлық құқық бұзушылық жасағаны үшін әкімшілік жаза қолданылған немесе қылмыстық теріс қылық жасаған

тұлғаларға;

5 жыл - онша ауыр емес қылмыстар жасағаны үшін соттың айыптау үкімі шығарылған немесе өзіне қатысты қылмыстық жауаптылықтан ақталмайтын негіздер бойынша босатылған азаматтар, сондай-ақ сыбайлас жемқорлық, ауыр және аса ауыр, сондай-ақ қылмыстық топ құрамында қылмыс жасаған тұлғалар үшін мемлекеттік қызметке кірмеу бойынша өмір бойына шектеулер көзделген.

8 жыл - ауырлығы орташа қылмыстар жасағаны үшін соттың айыптау үкімі шығарылған немесе өзіне қатысты қылмыстық жауаптылықтан ақталмайтын негіздер бойынша босатылған тұлғаларға мемлекеттік қызметке кіруге шектеулер көзделген (аталған мәселе бойынша бұрын 3 жыл мерзім көзделген).

Басшылық мемлекеттік лауазымға орналасу үшін жоғарыда көрсетілген шектеулердің мерзімі үш жылға ұлғайтылады.

Бұл ретте жеке адамға, отбасына және кәмілетке толмағандарға, конституциялық құрылыс негіздеріне және мемлекет қауіпсіздігіне, меншікке, коммерциялық және өзге де ұйымдардағы қызмет мүдделеріне, экономикалық қызмет саласында және тағы да басқа ауырлығы

орташа қылмыс жасағаны үшін сотталғандығы бар немесе болған немесе қылмыстық жауаптылықтан ақталмайтын негіздер бойынша босатылған азаматтар, сондай-ақ сыбайлас жемқорлық, ауыр және аса ауыр, сондай-ақ қылмыстық топ құрамында қылмыс жасаған тұлғалар үшін мемлекеттік қызметке кірмеу бойынша өмір бойына шектеулер көзделген.

Сонымен қатар, мемлекеттік қызметшінің басқа мемлекеттік лауазымға орналасуы кезінде, оның бұрынғы жұмысында жасаған тәртіптік теріс қылығы үшін тәртіптік жауапкершілігін қарау мүмкіндігі енгізілді.

Көрсетілген өзгертулер мемлекеттік қызмет туралы заңнаманы жетілдіруге және халықтың мемлекеттік қызметке деген сенімін нығайтуға бағытталған.

Тоқтамыс ЖҰМАҒҮЛОВ,
ҚР Мемлекеттік қызмет істері агенттігінің Маңғыстау облысы бойынша департаментінің башысы, Әдеп жөніндегі кеңес төрағасы.

ГЕНДЕРЛІК ТЕНДІК

ГЕНДЕРЛІК ТЕНДІК СТРАТЕГИЯСЫ НЕГІЗІНЕН ЕРЛЕРМЕН ӘЙЕЛДЕРДІҢ ТЕНДІГІНЕ ҚОЛ ЖЕТКІЗУ МАҚСАТЫНДАҒЫ БИЛІК ПЕН ҚОҒАМНЫҢ ӨЗАРА ТИІМДІ ӘРЕКЕТЕТУІНЕ АҒЫТТАЛҒАН.



Гендер - бұл ерлер мен әйелдердің мінез-құлқын, сондай-ақ олардың арасындағы әлеуметтік өзара қарым-қатынасты айқындайтын, олардың әлеуметтік және мәдени нормалары мен рөлдерінің жиынтығы. «Gender» сөзі ағылшын тілінен аударғанда жыныс (еркек, әйел) дегенді білдіреді.

Стратегия - мемлекеттің гендерлік саясатын іске асыруға бағытталған негізгі құжат, оны іске асырудың және мемлекет пен азаматтық қоғам тарапынан оның мониторингін жүзеге асырудың құралы, демократияның қалыптасуының маңызды факторы болып табылады.

Қазіргі кезде азаматтық қоғам ұлттық гендерлік саясатты жүзеге асыруға өмірдің барлық саласында гендерлік теңдікке қол жеткізу тетігін жасауға белсенді түрде, кең көлемді жұмыстар жүргізіп жатыр. Барлық қоғам өмірінің салаларында, гендер түсінігі әйелдердің ғана емес ерлердің де тұлғалық ерекшеліктерін қорғайды.

Бірақ өз менталитетімізге байланысты қарама-қайшылықтар кездеседі. Қазір көп отбасыларда түрлі жағдайлар болып жатады. Неге олай болып жатыр, неге ажырасу көп? Соның бәрі зерттеуді қажет етеді. Оның шешу жолдарын анықтау керек.

Көпшіліктің түсінігінде бұл термин көбіне әйел мәселесі, әйелдің билікке таласуы деп қабылданады. Әр ұлттың өз менталитеті бар, біздің де өз менталитетіміз бар. Жалпы, гендер деген әйел адам мен ер адамның қарым-қатынасы. Ал, қазақта ер мен әйелдің қарым-қатынасы қандай болған, ер адамды сыйлау, үлкен адамды құрметтеу, қыз тәрбиесі тағы басқа да құндылықтарды осы этногендерология арқылы көрсетеміз. Негізі көпшілік гендер деген нәрсені ер адамға қысым сияқты қабылдайды, бірақ олай емес. Қазақ халқының өз гендері бар. Барлығы отбасы құндылықтарын сақтауы керек.

Ғалима ТЛЕЙБЕРГЕНОВА,
Жанаозен қалалық сотының бас маманы.

ТЕГІН ШЕБЕРЛІК САҒАТЫ

«АМАНАТ» ПАРТИЯСЫ «БАҚЫТТЫ ОТБАСЫ» ЖОБАСЫ АЯСЫНДА, АНАЛАР КЕҢЕСІНІҢ ҰЙЫМДАСТЫРУЫМЕН ҮЙДЕ ОТЫРҒАН, АЗ ҚАМТЫЛҒАН ОТБАСЫНДАҒЫ, ЖАЛҒЫЗБАСТЫ, МҮТЕДЕКТІПІ БАР БАЛА АСЫРАУШЫ СҰРАНЫСҚА ИЕ «ШОППЕР СӨМКЕ» ТІГІП ҮЙРЕНУДЕН ТЕГІН ШЕБЕРЛІК САҒАТЫ ӨТТІ.

Шоппер сөмкесі - былғары, кенеп тәрізді мықты материалдан тігілген көлемді сөмкелер. Оны қолға ұстауға да, ішіне зат салып, ауырлаған кезінде иыққа асуға да болады.

Ол бір ретке ғана жарайтын пакеттерден мықты және былғарымен кенептен тігілетіндіктен адам ағзасына зиянды емес. Оны қажет емес кезде бүктеп, салып аласыз.

2013 жылғы трендке дизайнерлер бұл сөмкелерді тек үй шаруасындағы әйелдерге шаруашылық заттарын тасуға ғана емес,

кеңсе қағаздарын да салып жүруге ыңғайлы етіп шығарып отыр.

Тегін шеберлік сағатының мақсаты - үйде отырған қыз-келіншектер әртүрлі бағыттағы колөнерді шеберден тегін үйреніп, кәсібін ашып, әлеуметтік жағдайын жақсартуға септігін тигізу.

Шараға қала тұрғыны, шебер Амангүл Есеева қолдау білдірді.

Еркеназ ШАМИНА.

АВТОМОБИЛЬ ӨНЕРКӘСІБІ САЛАСЫНДА ТӘЖІРИБЕ ЖИНАҚТАЙ АЛАДЫ



МАҢҒЫСТАУ ОБЛЫСЫНДАҒЫ ЖАСТАРДЫҢ ӘЛЕУЕТІН АРТТЫРУҒА АРНАЛҒАН «ЖАРҚЫН БОЛАШАҚ» БАҒДАРЛАМАСЫНЫҢ ГРАНТ ИЕГЕРЛЕРІ ЕНДІ ӨНЕРКӘСІП ОРЫНДАРЫНДА ТӘЖІРИБЕСІН АРТТЫРА АЛАДЫ. БАҒДАРЛАМА ОПЕРАТОРЫ ВІЛІМ FOUNDATION МЕН ALLUR КОМПАНИЯСЫ «ЖАРҚЫН БОЛАШАҚ» БАҒДАРЛАМАСЫНЫҢ ҚАТЫСУШЫЛАРЫН ТӘЖІРИБЕДЕН ӨТКІЗУ ЖӘНЕ ЖҰМЫСҚА ОРНАЛАСТЫРУ БАҒЫТЫНДА МЕМОРАНДУМҒА ҚОЛ ҚОЙДЫ. БҮЛ БАСТАМА - ЖАСТАРДЫҢ ТЕХНИКАЛЫҚ МАМАНДЫҚТАР БОЙЫНША КӘСІБИ МАШЫҒЫН АРТТЫРЫП, ӨҢІРЛІК КӘСІПОРЫНДАРҒА БЛІКТІ КАДРЛАР ТАРТУДЫ КӨЗДЕЙДІ.



Вілім Foundation қорының президенті Ерлан Айтмұхамбет пен «Жарқын Болашақ» бағдарламасының жетекшісі Назерке Дабыл Қостанайға жұмыс сапары аясында Allur компаниясымен меморандум жасасты. Өзара ынтымақтастық екі тараптың күш біріктіріп, жастарға нақты өндіріс ортасында тәжірибе алуына және болашақта тұрақты жұмыспен қамтылуына қолдау көрсетуді мақсат етеді.

- Allur - Қазақстандағы ірі автокөлік өндірушілерінің бірі. Сондықтан «Жарқын Болашақ» бағдарламасының грант иегерлеріне жаңа мүмкіндік ашылып отырғанына қуаныштымыз. Олар енді Allur компаниясына практикаға барып, тәжірибе жинақтап, әрі қарай жұмысқа орналасу мүмкіндігіне ие бола алады, - дейді бағдарлама жетекшісі Назерке Дабыл.

Қор өкілдері Allur зауытында болып, автомобильдерді жинау процесімен де танысып шықты. Сонымен қатар жыл сайын 2000-нан астам қызметкер машығын шындайтын Allur University корпоративтік оқу орталығында болып, өндірістегі заманауи оқыту әдістерінің қалай қолданылатынын көрді.

Бұл серіктестік «Жарқын Болашақ» түлектерін еңбек нарығына шығаруға көмектесетін көпір болмақ. Осындай маңызды меморандум жасалғанына студенттер де ерекше қуанышты. Соның бірі - Қостанай жоғары автомобиль көлігі колледжінің студенті Ержан Ақжол. Ол бағдарлама аясында «автомобиль көлігі техникалық



қызмет көрсету, жөндеу және пайдалану» мамандығын игеріп жатыр, сонымен қатар Allur зауытында тәжірибе жинақтап жүр:

- Мен осы зауытта практикадан өттім. Мен үшін шынымен де тамаша тәжірибе болды - мұндай үлкен өндірістік зауытқа алғаш рет бардым. Ең бастысы, бұл біздің отандық кәсіпорын, сондықтан өз үлесімді қосқаным ерекше әсер қалдырды. Практика кезінде диспетчер ретінде жұмыс істедім, бөлшектер мен түйіндерді линияларға жеткізіп тұрдым. Болашақта мамандығым бойынша жоғары білім алып, осындай зауытта еңбек еткім келеді, - дейді ол.

«Жарқын Болашақ» бағдарламасы «ҚазМұнайГаз» ұлттық компаниясының және Samruk-Kazyna Trust қорының қолдауымен, Vilim Foundation қорының ұйымдастыруымен жүзеге асып келеді. Қазіргі таңда бағдарлама аясында мыңнан аса маңғыстаулық жас білім алып жатыр.

Дарина АҚБЕРЕН.

ДӘРИГЕР КЕҢЕСІ

ЖІТІ РЕСПИРАТОРЛЫҚ ВИРУСТЫҚ ИНФЕКЦИЯЛАР ЖӘНЕ ТҰМАУ

КҮН САЛҚЫНДАП БАСТАҒАН КЕЗДЕ ТҰМАУ ТАРАТУШЫЛАРДЫҢ САНЫ КӨБЕЙІП КЕТЕТІНІ БӘРІМІЗГЕ БЕЛГІЛІ. ТҰМАУ - БҮЛІ ЖІТІ РЕСПИРАТОРЛЫҚ ВИРУСТЫҚ ИНФЕКЦИЯЛАР. КҮЗ-ҚЫС АЙЛАРДАҒЫ СЫРҚАТТАНУШЫЛЫҚ ӘСІРЕСЕ БАЛАЛАРДЫҢ, МЕКТЕПТЕРДЕ, БАЛАБАҚШАЛАРДА ЖӘНЕ ҚОҒАМДЫҚ ОРЫНДАРДА, ҚОҒАМДЫҚ КӨЛІКТЕ ТЫҒЫЗ БАЙЛАНЫСТА ЖӘНЕ ӨТЕ БЕЛСЕНДІ БОЛУЫМЕН БАЙЛАНЫСТЫ.

Қалай жұғады? Тұмау ауа-тамшы жолдары арқылы жұғады. Науқас адам тыныс алғанда, жөтелгенде, түшкіргенде, сөйлегенде және адамның пайдаланған заттары арқылы жұғады. Барлық дезинфекциялаушы құралдар тұмау вирусын тез жояды және осы құралдарды қолданып, ылғалды тазалау - үй-жайларды зарарсыздандырудың тиімді тәсілі. Бөлмелерді жиі желдетіп тұруды да ұмытпаған жөн. Тұмау вирусы адам ағзасының иммунитетін төмендетеді. Инкубациялық кезең бірнеше сағаттан бастап 2-3 күнге дейін созылады. Тұмаудың жеңіл түрімен ауыру ұзақтығы - бір апта. Дене қызуының 40 градусқа дейін көтерілуі, қалтырау, әлсіздік, көз қарығу, буынның және бұлшық еттің, бастың және тамақтың ауыруы, жөтелу, мұрынның бітелуі аурудың негізгі белгілері болып табылады. Тұмаудың асқинуларына құлақ, тамақ, мұрын аурулары.

Балаларда, созылмалы аурулары бар және жасы үлкен адамдарда тұмау ауыр түрде өтеді. Сондай-ақ, ерекше қауіптілік тобына жүкті әйелдер де жатады. ЖРВИ және тұмау жүкті әйелдердің иммунитетін төмендетеді, эндокриндік жүйесін де бұзыу мүмкін. Мұндай жағдайда жүкті әйелдерде әлсіздік пайда болып, ұйқысы бұзылады және созылмалы аурулары өршиді. Әдетте жүкті әйелдер тұмауға шалдыққан кезде балаға қанның жүруі күрт азаяды, осыған сәйкес бала жолдасы арқылы ұрық организміне оттегі аз беріледі. Жүкті әйелдердің тұмаумен ауыруы жүктіліктің 12-аптасына дейін, яғни ұрықтың органдары мен тіндері қалыптасатын кезде өте қауіпті. Тұмаудың жүкті әйелдерге қауіптілігі - түсік тастауы немесе мерзімінен бұрын босанып қалуына. Сонымен қатар, шала туудың жиіленуін көрсететін нақты мәліметтер бар.

Сондықтан өз бетінше емделуге болмайды. Балалар мен ересектер және жүкті әйелдерді емдеу тек дәрігердің тағайындауы бойынша және дәрігердің бақылауымен жүргізілуі керек. Тұмаудың алғашқы белгілері байқалысымен дәрігерді үйге шақыру жөн.

Кез келген ауруды емдегеннен гөрі, оның алдын алған дұрыс. Дүниежүзілік денсаулық сақтау ұйымы (ДДҰ) сырқаттанушылықты,



асқинуларды және өлім-жітімді айтарлықтай азайтатын, халықты тұмаудан қорғайтын жалғыз және тиімді іс-шара ретінде тұмауға қарсы вакцинациялауды ұсынды. Тұмауға қарсы егілгендерде инфекция жеңіл өтеді, асқинулар мен өлім-жітім жиілігі азаяды.

Тұмаудан сақтану үшін ЖРВИ және тұмаумен сырқаттанушылар көбейген кезде халық көп жиналған орындарда болмауға, салқын тигізіп алмауға тырысу қажет және ауа райына сәйкес киіну керек. Сол сияқты, таза ауада серуендер алдында немесе көшеге шығар кезде мұрныңызға оксалин майын жағып алсаңыз тұмау немесе басқа ЖРВИ вирустарының тыныс жолдарына енуі күрт төмендейді. Бүгінгі таңда қыркүйек - қазан айында емханамызда 3832 адам тұмауға қарсы вакцинациялауға жоспарланды, жоспарларғандар толық екемен камтылды, салынған екі Ресейде өндірілген Гриппол плюс вакцинасы. Ал аураңшандыққа келетін болақ өткен аптада 210 адам жіті респираторлық вирустық инфекциялар бойынша медициналық көмекке жүгінді. Олардың 122 ересек, 89 балалар, соның ішінде 11 і стационарлық емге жіберіліп, қалғаны үй жағдайында ем алуға жіберіліп медициналық бақылауға алынды.

Шаттық БИТИМБАЕВА,
№2 ЖҚЕ эпидемиологы.

Ә.ТҰЯҚОВ СТАДИОНЫНДА ЖАҢА ФУТБОЛ АЛАҢЫ ПАЙДАЛАНУҒА БЕРІЛДІ

Ә.ТҰЯҚОВ АТЫНДАҒЫ СТАДИОНДА ҚАЙТА ЖАҢҒЫРТУДАН ӨТКЕН ФУТБОЛ АЛАҢЫНЫҢ РЕСМИ АШЫЛУ САЛТАНАТЫ ӨТТІ. ЖОБА ЖАСӨСПІРІМДЕР АРАСЫНДА БҰҚАРАЛЫҚ СПОРТТЫ ДАМУҒА ЖӘНЕ СПОРТ ИНФРАҚҰРЫЛЫМЫН ЗАМАН ТАЛАБЫНА САЙ ЖАҚСАРТУҒА БАҒЫТТАЛҒАН.

Салтанатты шараға қала басшылығы, Қазақстан Футбол Федерациясының өкілдері, спорт ардагерлері және жас спортшылар қатысты.

Қала әкімінің орынбасары Жаңабай Аймағанбетов құттықтау сөзінде спорттық нысандардың халық игілігіне қызмет ету маңыздылығын атап өтіп, жаңа алаңның жас спортшылардың шыңдалуына жағдай жасайтынын айтты. Қалалық мәслихат төрағасы Ғалым Байжанов та құттықтау сөз сөйлеп, бұл нысанның дене шынықтыру мен бұқаралық спортты дамуға ықпал ететінін жеткізді.

Қазақстан Футбол Федерациясының аймақтық қатынастар департаментінің директоры Марат Такенов, спорт саласының ардагерлері Асамадин Түрешов пен Дауылбек Жауынбаев құттықтау тілектерін жеткізіп, жаңа алаңның қала спортшылары үшін маңызды нысан екенін атап өтті. Салтанатты лента кию рәсімі де осы құрметті оқиғаның қатысушыларымен өтті.

Шара барысында балаларға мердігер компанияның қолдауымен футболға арналған спорттық сөмкелер мен формалар табысталды.

Шам ШЫПРАҚ.

Жаңаөзенде жаңа спорттық-сауықтыру кешені ҚҰРЫЛЫСЫ ТАЛҚЫЛАНДЫ

ЖАҢАӨЗЕН ҚАЛАСЫНДА «ХАЛЫҚ» ҚАЙЫРМДЫЛЫҚ ҚОРЫНЫҢ ҚОЛДАУЫМЕН САЛЫНЫП ЖАТҚАН ЖАҢА СПОРТТЫҚ-САУЫҚТЫРУ КЕШЕНІНІҢ ҚҰРЫЛЫС БАРЫСЫ БОЙЫНША КӨШПЕЛІ ЖӘНЕ КЕҢЕЙТІЛГЕН ЖҰМЫС ЖИНАЛЫСЫ ӨТТІ.

Алдымен құрылыс алаңында көшпелі жиын өтіп, нысанның қазіргі жағдайы, атқарылып жатқан жұмыстардың қарқыны және мерзімдік жоспарлары қаралды. Кейін қала әкімінің мәжіліс залында жобаның егжей-тегжейін талқылауға арналған кеңейтілген жиын ұйымдастырылды.

Жиынға қала әкімінің орынбасарлары, «Өзенмұнайгаз» АҚ құрылыс департаменті, мемлекеттік және коммуналдық мекемелер қатысты. Сонымен қатар мердігер ұйымдар - «Халық» қайырымдылық қоры», «М-СтройТранс» ЖШС, «Сапа Индустриал Сервисес» ЖШС және «White Pearl» жобалау-құрылыс корпорациясы да қатысып, өз ұсыныстарын білдірді.

Жиын барысында Жаңаөзенде салынып жатқан спорттық-сауықтыру кешенінің маңыздылығы атап өтілді. Жобаның

жалпы аумағы 3,87 гектарды құрап, құрылыс жұмыстары 9 ай ішінде аяқталуы жоспарланған.

Сонымен қатар жиын барысында мердігер мекемелерге нақты тапсырмалар беріліп, жұмыстың сапасы мен мерзімдік жоспарларды қатаң сақтау қажеттілігі ескертілді. Инженерлік жүйелерді уақытылы жеткізу, коммуникацияларды тарту, аумақты абаттандыру мәселелері бойынша жауапты бөлімдерге міндеттер жүктелді.

Айта кетейік, Nalyk қоры мен Маңғыстау облысы әкімдігі арасында 2023 жылы 4,4 млрд теңге көлемінде меморандумға қол қойылған. Қор өңірде бірқатар маңызды жобаларды жүзеге асырып келеді. Соның ішінде тұщыландыру қондырғылары, балалар және спорт алаңдары, инфрақұрылымдық жобалар ерекше орын алады.

Еркенәз ШАМИНА.

ХАБАРЛАНДЫРУ

«ҚазТрансОйл» АҚ Маңғыстау мұнай құбыры басқармасы ҚР-ның Экологиялық кодексіне сәйкес «Өзен-Жетібай-Ақтау» ММҚ бойында орналасқан учаскелердегі бүлінген жерлерді рекультивациялау (тарихи ластанулар) жобасына арналған Қоршаған ортаны қорғау бөлімі жобасы бойынша Жария талқылаулар арқылы қоғамдық тыңдаулардың өткізілетінін хабарлайды. Ластанған жер учаскелері Маңғыстау облысының Мұнайлы, Қаракия, Маңғыстау аудандарының аумақтарында, сондай-ақ Ақтау және Жаңаөзен қалаларында орналасқан.

Жобалық құжаттармен танысуға, сондай-ақ ұсыныстар мен ескертулерді енгізуге ақпараттық жүйе <https://ndbecology.gov.kz/arkhly> Қоршаған орта мен табиғи ресурстардың жай-күйі туралы ұлттық деректер банкінің «Қоғамдық тыңдаулар күнтізбесі» бөлімінде 2025 жылғы 15-22 желтоқсан аралығындағы 5 жұмыс күні ішінде болады. Қаралып отырған жобалар бойынша ұсыныстар мен ескертулер жария талқылаудың соңғы күні сағат 18.00-ге дейін қабылданады.

Жоспарланып отырған қызметтің Бастамашысы: «ҚазТрансОйл» АҚ Маңғыстау мұнай құбыры басқармасы, Қазақстан Республикасы, Ақтау қаласы, 8-шағын аудан, 38 «б» ғимараты, тел.: 8 (7292) 20-79-331, e-mail: office-mnu@kaztransoil.kz

Жобалық құжаттаманы әзірлеуші: «ECOTERA» ЖШС, тел.: +7 7292 201100, моб.: +7 777 7201100, e-mail: info@ecotera.kz

ОБЪЯВЛЕНИЕ

Мангистауское нефтепроводное управление АО «ҚазТрансОйл» объявляет о проведении общественных слушаний в форме публичного обсуждения по проекту Раздел охраны окружающей среды к проекту рекультивации нарушенных земель (исторических загрязнений), участки, расположенные вдоль МН «Узень-Жетібай-Ақтау» Мангистауского НУ АО «ҚазТрансОйл» в соответствии Экологического кодекса РК. Участки загрязненных земель расположены на территории Мангистауской области районах Мунайлинский, Каракиянский, Мангистауский, в городах Ақтау и Жанаозен

Ознакомиться с проектными материалами, выносимыми на общественные слушания в форме публичного обсуждения, а также подать замечания и предложения можно в Информационной системе <https://ndbecology.gov.kz/> Национального банка данных о состоянии окружающей среды и природных ресурсов в разделе Календарь общественных слушаний в течении 5 рабочих дней с 15 по 22 декабря 2025 года. Замечания и предложения по обсуждаемым проектам принимаются до 18.00 часов последнего дня публичного обсуждения.

Инициатор намечаемой деятельности: Мангистауское нефтепроводное управление АО «ҚазТрансОйл», РК, г.Ақтау, 8 мкр, зд. 38 «б», тел. 77292 20-79-331 e-mail: office-mnu@kaztransoil.kz

Разработчик проектной документации: ТОО «ECOTERA», тел.: +7 7292 201100, моб. тел.: +7 777 7201100 e-mail: info@ecotera.kz

ӨРТ ҚАУІПСІЗДІГІ АЙЛЫҒЫ

ЖАҢАӨЗЕН ҚАЛАСЫНДА ӨРТ ҚАУІПСІЗДІГІ АЙЛЫҒЫ АЯСЫНДА ҚАЛА ТӨТЕНШЕ ЖАҒДАЙЛАР БӨЛІМІ «ҚАЗТРАНСГАЗАЙМАҚ» АҚ ЖӘНЕ «РЦКУ» АҚТАУ МЕКЕМЕСІМЕН БІРЛЕСІП, АЗ ҚАМТЫЛҒАН ОТБАСЫЛАРДЫҢ ҮЙЛЕРІНЕ ГАЗСИГНАЛИЗАТОРЛАР ОРНАТУ ЖҰМЫСТАРЫН ЖҮРГІЗДІ.

Іс-шараның мақсаты - тұрмыстық газды пайдалану кезінде қауіпсіздік деңгейін арттыру және тұрғындар арасында өрт пен газдан улану жағдайларын болдырмау.

Мамандар үйлерге барып, газ жабдықтарының жағдайын тексеріп, орнатылған сигнализаторлардың жұмыс істеу тәртібін түсіндіріп, тұрмыста өрт қауіпсіздігін сақтау жөнінде нұсқаулық өткізді.

Дарина АҚБЕРЕН.



ЖАБЫЛҒАНЫН ХАБАРЛАЙМЫЗ

25.09.2024 жылы ашылған «Нони» ЖШС балабақшасы жұмыс жасамауына байланысты жабылып жатыр.

МҰРАГЕРЛЕРІНЕ ІЗДЕУ САЛАМЫЗ

Жаңаөзен қаласының жеке нотариусы Демегенова Набат Джаумитбаевна 09.109.1967 жылы туылған, 18 қыркүйек 2025 жылы қайтыс болған азамат ЗАУТБАЕВ БЕКТАС ЖИЕНКУЛОВИЧКЕ мұрагерлік іс ашылуына байланысты осы қайтыс болған адамның мұрагерлеріне іздеу салады. Мұрагерлерге Жаңаөзен қаласы, «Самал» ш/а, 1/2 үй, 20 кеңсеге хабарласуын сұрайды. Лицензия № 0001081 19 маусым 2002 жылы Қазақстан Республикасы Әділет Министрлігімен берілген.

ӨНЕРЛІ ЖҰП - 2025

ОТБАСЫЛЫҚ ТАЛАНТТАР ЖАРҚЫРАҒАН КЕШ

«АТМАУРА» МӘДЕНИЕТ ҮЙІНДЕ ОБЛЫС КӨЛЕМІНДЕ «ӨНЕРЛІ ЖҰП» АТТЫ ОБАСЫЛЫҚ БАЙҚАУ ЖОҒАРЫ ДЕҢГЕЙДЕ ӨТТІ. БІР САХНАДА ӨНЕРІН ҰШТАСТЫРЫП, ОТБАСЫЛЫҚ ҚҰНДЫЛЫҚ ПЕН ШЫҒАРМАШЫЛЫҚТЫ ҚАТАР НАСИХАТТАҒАН КЕШ КӨРЕРМЕНДЕРДІ ЕРЕКШЕ ӘСЕРГЕ БӨЛЕДІ. ШАРАНЫ ЕРЛАН ЖҰМАТОВ ПЕН ГҮЛЗАДА ҚАЙРАТҚЫЗЫ ЖҮРГІЗІП, КӨРЕРМЕНГЕ КӨТЕРІНКІ КӨҢІЛ-КҮЙ СЫЙЛАДЫ.



Бұл байқаудың басты мақсаты - өңірдегі өнерлі отбасыларды көпшілікке танытып, олардың шығармашылық қабілеттерін бір сахнада көрсетуіне мүмкіндік беру, жаңа бағыттағы өнерді дамыту және талантты жұптарға қолдау көрсету. Бұл - облыста отбасы мәдениетін насихаттауда маңызды рөл атқаратын ерекше жоба.

Өнерлі жұптар сахнада бас қосты. Байқауға Тұрмағамбетовтер, Әбілқасымовтар, Өскенбаевтар және Маратовтар жаңуысы қатысып,

екі кезең бойынша сынға түсті. Алғашқы кезеңде жұптар кинофильм саундтректерін орындап, шағын сахналық қойылымдар арқылы өз өнерін безендірді. Екінші кезеңде еркін тақырыпта жанды дауыста дуэт орындап, көрермен мен қазылар алқасын өздерінің шынайы өнерімен тәнті етті. Екі кезеңде де жұптар сахнада өзіндік стилін көрсетіп, музыкалық және актерлік шеберліктерін ұштастыра білді.

Өңірге танымал мәдениет және өнер қайраткерлерінен құралған

қазылар алқасы қатысушылардың дайындық деңгейін жоғары бағалап, байқаудың өте жақсы әрі мазмұнды өткенін атап өтті. Әр отбасы өзіндік ерекшелігімен көзге түсіп, сахнада шынайы үйлесімділікті көрсете білді.

Қорытынды бойынша бас жүлдені Тұрмағамбетовтер отбасы жеңіп алды. I орын Маратовтар отбасына, II орын Өскенбаевтар отбасысына, ал



III орын Әбілқасымовтар отбасына бұйырды. Жеңімпаздарға дипломдар мен бағалы сыйлықтар табысталды.

- «Өнерлі жұп» сайысына біз екінші рет жолдама алдық. Біріншісінде мен «Қазақстан Ұлттық арнасының «Тату-тәтті» жобасының финалына өткендіктен, сол жаққа кетіп қалдым. Созан байланысты қатысудан бас тартуға тура келген еді. Ал биыл «Өнерлі



жұп» байқауы қайта өтетін болып, бізге тағы да қатысу туралы ұсыныс түсті. Бұл жолы бірден келісім бердік. Осы жобадан жолдасым ерекше алғыс айтқым ке-

танымал-тыруды мақсат еттім. Бар ерекшелікті өзіме емес, жолдасым бағыттадым. Шүкір, жолдасым ма мың алғыс. Ол сахнада өзін өте жоғары деңгейде көрсете білді. Көп адам «Рамазан ағайдың билейтінін, ән айтатынын білмейтін едік» деп таңғалысын жасырмады. Мен қойған миссия өз жемісін берді деп ойлаймын. Бұл жоба - отбасыларды жақындастыратын, бір-бірін жаңа қырынан тануға мүмкіндік беретін өте жақсы мүмкіндік деп есептеймін. Биыл байқау облыстық деңгейде өтті. Маңғыстаудың түкпір-түкпірінен келген жұптармен бірге сайысқа түсіп, Бас жүлдені жеңіп алдық. Шүкір, бұл - тыңғылықты еңбектің нәтижесі. Бізге қолдау көрсеткен барлық жандарға алғысымыз шексіз, - дейді Тұрмағамбетовтер отбасы Әйгерім Жауынбай.

Шара көрермендерге ерекше көңіл-күй сыйлап, өнер мен отбасы құндылығының қаншалықты өзара сабақтас екенін айқын көрсетті. Жаңаөзенде өткен бұл кеш отбасылық шығармашылықтың дамуына үлкен серпін беріп, өнерлі жұптардың қатары алдағы уақытта да арта түсеріне сенім ұялатты.

Жанайым ЖАРЫЛҚАП.

ЖАС МАМАНДАР ФОРУМЫ

ЕЛІМІЗДЕ БИЫЛ «ЖҰМЫСШЫ МАМАНДЫҚТАР ЖЫЛЫ» ДЕП ЖАРИЯЛАНДЫ. ҚОҒАМДАҒЫ ЖҰМЫСШЫ МАМАНДЫҒЫНА ДЕГЕН ҚҰРМЕТТІ АРТТЫРУ МАҚСАТЫНДА «ӨЗЕНМҰНАЙГАЗ» КОМПАНИЯСЫНЫҢ ҰЙЫМДАСТЫРУЫМЕН «ЕҢБЕК - БІЗДІҢ КҮШ, ЖАСТАР - БІЗДІҢ БОЛАШАҚ» ТАҚЫРЫБЫНДА ЖАСТАР ФОРУМЫ ӨТТІ.

ЕҢБЕК - БІЗДІҢ КҮШ, ЖАСТАР - БІЗДІҢ БОЛАШАҚ

Гүлсім ОСПАН

Ел мен жерге қылдай болса да пайдамын деп жүрген 100-ге жуық жас қатысқан басқосу шымылдығын қала әкімінің орынбасары Жаңабай Аймағанбетов пен «Өзенмұнайгаз» АҚ мердігер ұйымдармен өзара іс-қимыл және мүлікті басқару жөніндегі басқарушы директор Рүстем Жанбеков ашты.

облысы жастар саясаты мәселелері жөніндегі басқармасының төрағасы Мұқаш Оралбай мен компания бас директорының Алғыс хаты мен қаржылай сыйлығы табысталды.

Мазмұнды форум аясында журналист, саяхатшы, блогер Өркен Кенжебек пен кәсіби тренер Саят Ибраимов миссия тақырыбында тренинг өткізіп, жастар санасын сілкіп алды.

- Өмірге келген әр адамның бойында уай-



- Біз жастар саясатын әрдайым назарда ұстап, олардың толыққанды қалыптасуына барлық жағынан тиісінше қолдау білдіріп келеміз. Дүние бір орнында тұрмайды. Компанияның ертеңі жастар екені сөзсіз, - деді басқарушы директор.

Форум барысында үздіктер қатарынан көрініп жүрген бір топ жас маманға Маңғыстау

ым болады. «Еліме, жеріме қайткенде пайдамын деді, ел мәдениетін, ағарту саласын қалай дамытуға болады» деп уайымдайтын адам ешқашан ерініп жатпайды, пайдалы адамға айналады, - деді Саят Ибраев.

Өркен Кенжебек «адам өзін қайткенде брендке айналдыра алады?» деген сұрақ төңірегінде әңгіме өрбітіп, дамыған елдерде әр кәсіп



есінің қызметіне құлшылық деп қарайтынына тоқталып өтті.

Еркін пікірталас алаңы форматында өткен кездесуде адам баласының тал бесіктен жер бесікке дейін білім алу, іздену, даму керектігі сөз болды. Ой сергітетін шарадан соң «QUIZ» интеллектуалды ойыны ұйымдастырылды.

Адамның ойлау қабілеті мен ой ұшқырлығын артыратын сайыста білік пен білім сынға түсті.

«Білекті бірді жығады, білімді мыңды жығады» демекші, өмірдің мәні - оқу, өнер, білім, еңбек деп білетін мықтылар арасынан топ жарған жеңімпаздар Диплом, қаржылай сыйлыққа ие болды.

Меншік иесі:

MANGYSTAY MEDIA

Директор:
Әнуарбек
БИМАҒАНБЕТ.

Қабылдау бөлімі тел/факс:
20-48-34.
office@mangmedia.kz

ЖАҢАӨЗЕН

Газет ҚР Мәдениет және ақпарат Министрлігі Ақпарат және мұрағат комитетінде 6 ақпан 2013 жылы тіркеліп, №13359-Г куәлігі берілген.

Редактор: Гүлназ БӨЛЕКБАЕВА.
Кезекші редактор: Гүлсім ЕРБӨЛЕКОВА.

Аға дизайнер: Гүлсім ЕРБӨЛЕКОВА.
Тілшілер: Жансая КЕЛДІБАЙҚЫЗЫ.
Айжан НАСЫРОВА.
Дизайнер: Шолпан БАТЫРХАНОВА.

А - жариялау ақысы төленген.

Таралымы: 1355 дана.



Газет редакцияда теріліп, беттелді.
«Атырау-Ақпарат» ЖШС
баспаханасында басылды
060005, Атырау қаласы,
Ж.Молдағалиев көшесі, 29А.
тел: 8 7122 458-660; 586-392.

Тапсырыс нөмірі: 1433.

Газет аптасына 1 рет
жұма күні шығады.

- Газет жарияланымдарындағы автор пікірі редакцияның түпкілікті көзқарасы болып есептелмейді.
- Жарияланған материалдарды сілтемесіз көшіріп басуға болмайды.
- Жарнама, хабарландырулар мазмұнына редакция жауап бермейді.
- Редакцияға жолданған материалдарға рецензия жасалмайды және қолжазба авторға қайтарылмайды.
- Тақырыптық суреттер ғаламтордан алынады.